

Poštovani,

U vezi sa navedenim upitom dostavljamo podatke iz nadležnosti Ministarstva za poljoprivredu, šumarstvo i vodoprivredu koliko sredstva je dato Gradu Zenica iz Budžeta Zeničko-dobojskog kantona u 2017, 2018, 2019. i koliko je planirano za 2020. godinu i to:

### **Vodoprivreda**

U 2017. godini za Grad Zenica realizovani su projekti vodne infrastrukture u iznosu od 277.057,63 KM, a odnose se na ugovorene projekte iz ranijeg perioda, koji su završeni u toku 2017. godine. U istom periodu za Grad Zenica planirana su sredstva za nove projekte izgradnje ili rekonstrukcije vodnih objekata u iznosu od 882.000,00 KM, ali pošto Gradonačelnik, za razliku od svih ostalih općina Kantona, nije potpisao Sporazum o zajedničkoj realizaciji planiranih projekata, isti nisu mogli ni biti realizirani u planskom periodu. Ista situacija se ponovila i u 2018. godini u kojoj je za Grad Zenica bio planiran iznos od 1.420.000,00 KM, jer je Gradonačelnik ponovo odbio potpisati Sporazum, čime je bila onemogućena realizacija novoplaniranih projekata, s tim da je u 2018. godini za Grad Zenica realizovan iznos od 450.702,29 KM za projekte koji su ugovoreni u ranijem periodu. U 2019. godini prema Programu utroška sredstava vodnih naknada, kojim je za Grad Zenica planiran iznos od 1.455.000,00 KM, potpisan je Sporazum, prema kojem je do kraja 2019. godine realizovano 209.557,08 KM, ali je zato u 2020. godini za Grad Zenica planirano da se realizuju neugovoreni projekti iz 2019. godine u iznosu od 1.283.510,37 KM, te su dodatno planirana sredstva vodnih naknada za Grad Zenicu za nove projekte u iznosu od 1.890.000,00 KM.

### **Poljoprivreda**

Iz sredstava za poticaje poljoprivrednoj proizvodnji za 2017. godinu, poljoprivrednim proizvođačima sa područja Grada Zenica isplaćena su sredstva u iznosu od 566.390,10 KM, u 2018. godini iznos od 526.261,50 KM, a u 2019. godini iznos od 519.767,00 KM. U Budžetu Kantona za 2020. godinu za poticaje poljoprivrednoj proizvodnji planiran je ukupan iznos od 3.019.418,00 KM. Javni poziv za prikupljanje zahtjeva je u toku i nije bilo isplate sredstava po ovom Programu za 2020. godinu.

Vlada Zeničko-dobojskog kantona je, imajući u vidu novonastalu situaciju izazvanu pandemijom Covid 19, analizirajući stanje poljoprivredne proizvodnje kao i potrebe poljoprivrednika na području Kantona, Ministarstvo za poljoprivredu, šumarstvo i vodoprivredu je pored sredstava za redovno poticanje poljoprivredne proizvodnje osiguralo i dodatna sredstva u Budžetu Kantona za 2020. godinu, za poticanje proljetne sjetve, te je na taj način osigurano zajedničko učešće u sufinansiranju između jedinica lokalne samouprave, Federacije BiH i Zeničko-dobojskog kantona, po ovom osnovu. Na osnovu dostavljenih zahtjeva iz jedinica lokalne samouprave Kantona i iskazane potrebe za sredstvima iz Budžeta Kantona, na prijedlog Ministarstva za poljoprivredu, šumarstvo i vodoprivredu Vlada Kantona je za sufinansiranje proljetne sjetve planirala ukupan iznos od 345.842,00 KM, od čega je Gradu Zenica pripao iznos od 36.324,00 KM, čime je u cjelosti podržani zahtjev Grada Zenica u pogledu visine traženih sredstava. Na 63. sjednici Vlade ZDK koja je održana dana 03.07.2020. godine odobrena je isplata planiranih sredstava, između ostaloga i Gradu Zenica u ukupno traženom iznosu.

U 2019. godini iz namjenskih sredstava prikupljenih od pretvaranja poljoprivrednog zemljišta u građevinsko, na Javni poziv za uređenje zapuštenog poljoprivrednog zemljišta koji

je objavilo ovo Ministarstvo, po osnovu jednog podnesenog zahtjeva sa područja Grada Zenica, odobren je iznos za uređenje poljoprivrednog zemljišta u iznosu od 14.324,00 KM.

### **Veterinarstvo**

Za provođenje mjera zdravstvene zaštite životinja u koje spadaju preventivna cijepljenja životinja, dijagnostička ispitivanja u cilju utvrđivanja prisustva zaraznih bolesti (zoonoza), eutanaziju i neškodljivo uklanjanje bolesnih životinja, naknada štete za ubijene životinje, pomoć gradu u finansiranju dijela troškova skloništa za napuštene pse, kao i sufinansiranje mjera u oblasti veterinarskog javnog zdravstva kao što je uspostavljanje planova samokontrola kod subjekata koji proizvode hranu životinjskog porijekla i uvođenje HACCP sistema, pravnim i fizičkim licima sa područja Grada Zenica u 2017. godini je isplaćen iznos od 24.846,00 KM, u 2018. godini iznos od 39.654,00 KM, a za 2019. godinu iznos od 51.722,00 KM. Za realizaciju Programa u oblasti veterinarstva za 2020. godinu, planirana su sredstva u iznosu od 600.000,00 KM. Realizacija je u toku, a obuhvata i Grad Zenicu u za sada nepoznatom obimu.

S poštovanjem,

MINISTAR

Mirnes Bašić